

廣德州志

230.115

134

510

廣德州志卷二十八

職官志 宦績二 封爵

宦績二

宋

岳飛字鵬舉相州湯陰人少負氣節家貧力學尤好左氏春秋孫吳兵法生有神力未冠挽弓三百斤弩八石由承信郎遷秉義郎隸畱守宗澤軍後爲統制屢攻金兵建炎三年金人渡江建康失守兀朮趨杭州飛要擊至廣德境中六戰皆捷擒其將王權俘簽軍首領四十餘

廣德州志

卷二十八

宦績

一

察其可用者結以恩遣還令夜斫營縱火飛乘亂縱擊大敗之駐軍鍾村軍無見糧將士忍饑不敢擾民金所籍兵相謂曰此岳爺爺軍爭來降附四年兀朮攻常州宜興令迎飛移屯擊走之尋詔討戚方飛以三千人營於苦嶺方遁俄益兵來飛自領兵千人戰數十合皆捷會張俊兵至方遂降後以功歷官至少保河南北招討使進軍朱仙鎮指日渡河而秦檜欲畫淮北棄之乞令班師卒爲檜所誣死孝宗詔復其官謚武穆進封鄂王

采史
本傳

附

王德字子華通遠軍熟羊砦人以武勇應募建炎元年以勤王師隸劉光世四年光世鎮京口以德為都統制遷中亮大夫宋史本傳紹興二年五月乙酉追趙延壽叛兵至建平縣悉誅之宋史帝紀互詳兵寇

真德秀字景元後更景為希建之浦城人慶元進士嘉定間遷起居舍人兼太常少卿時史彌遠以爵祿糜天下士德秀遂力請去出為秘閣修撰江東轉運副使寧宗曰卿力有餘到江東日為朕撙節財計以助邊用江東

廣德州志

卷二十八

宦績

二

早蝗廣德太平為甚德秀遂與畱守憲司分所部九郡大講荒政而自領廣德太平親至廣德與太守魏峴同以便宜發廩使教授林庠振給竣事而還百姓數千人送之郊外指道傍叢塚泣曰此皆往歲餓死者微公我輩已相隨入此矣先是都司胡槻薛極每誚德秀迂儒試以事必敗至是政譽日聞因倡言早傷本輕監司好名振贍太過使峴劾庠以撼德秀德秀上章自明朝廷悟與峴祠授庠幹官案真西山文集作諫官德秀歷官資政殿學

士宋史本傳

附

趙彥覃景定間爲江南東路轉運司主管帳司真德秀薦洪運管等官狀稱其宣力最多賑荒以來朝夕講究如己休戚臣以廣德兩縣菑傷尤甚九月間卽令彥覃前往與本郡守貳圖所以拯救之方而能悉心盡瘁不憚勞苦凡所區畫多適事宜給散有方人被實惠臣比循行至郡士民稱之如出一口聞其滿替皆願借畱臣謂如彥覃者若置之煩劇俾效所長必有以自見頃當代去宜急論薦伏望聖慈特轉旌擢

見真西山文集

廣德州志

卷二十八

宦績

三

閻順李存顧順趙時晦孟唐老及二子皆不知其爵里瀛國公德祐元年三月元兵入建康加張世傑保康軍承宣使總都督府諸軍丙戌知廣德軍令狐概以城降元世傑遣其將閻順李存進軍廣德辛卯閻順戰安吉縣復取鳳平張濡部曲害元行人嚴忠範於獨松關執廉希賢甲午詔褒諭張世傑閻順諸將各轉官有差丙申顧順攻廣德軍復取之四月乙巳元兵入廣德知縣王汝翼與寓居官趙時晦率義兵戰鬥山路分孟唐老與其二子皆死汝翼被執至建康死之辛亥顧順諸將各

轉官有差唐老贈三官贈汝翼朝奉郎

宋史瀛國公紀

案續通鑑綱目稱世傑分道出兵拒元其將閻順復

廣德軍不及顧順據瀛國公紀似閻順戰功在安吉

者為多考元史世祖紀中統十二年三月丙戌國信

使廉希賢嚴忠範等至宋廣德軍獨松關為宋人所

殺計丙戌至辛卯凡六日然則追殺元使在前復取

安吉在後辛卯至丙申又五日而顧順始復廣德二

人之功均不可沒也時晦不知其爵里史明言寓居

官而吳寧謚九烈祠樂府謂即時晦兄弟在九人中

廣德州志

卷二十八

宦績

四

同死者誤孟唐老為路分掌戎事當亦本州之官九

烈祠既遺之忠義祠復以孟之二子移于趙而題其

主曰趙公時晦暨二公子錯謬已極夫以諸人之忠

勇奮發或恢復土宇或殉節疆場是邦皆宜俎豆之

雖行事失傳里居無考其可畧焉乎哉

明

耿炳文濠人父君用積功為管軍總管援宜興與張士誠

兵爭柵力戰死炳文襲職領其軍取廣德進攻長興敗

士誠將趙打虎獲戰船三百餘艘禽其守將李福安等

遂克長興長興據太湖口陸通廣德與宣歙接壤爲江浙門戶太祖既得其地大喜改爲長安州立永興翼元帥府以炳文爲總兵都元帥守之

明史本傳

華高和州人以巢湖水師來附遷秦淮翼元帥與鄧愈狗廣德守將嚴兵城下高以數騎挑戰元兵堅壁不動高衝擊大敗之遂取其城得兵萬人糧數千斛從平常州進僉行樞密院事洪武三年封廣德侯歲祿六百石後贈巢國公諡武莊

明史本傳 案是時元守將爲謝國璽互詳兵寇

案明初取廣德者尙有徐達吳禎趙德勝華雲龍丁

廣德州志

卷二十八

宦績

五

德興諸人然皆不著其取殘定亂之功故畧之而詳見兵寇焉

王叔英字原采浙江台州府黃巖縣人洪武中以薦爲仙居訓導改德安教授遷漢陽知縣多惠政建文時召爲翰林修撰上資治八策帝嘉納之燕兵至淮叔英奉詔募兵行至廣德京師不守會齊泰來奔叔英謂泰貳心欲執之泰告以故乃相持慟哭共圖後舉已知事不可爲沐浴更衣冠書絕命詞藏衣裾間自經於元妙觀銀杏樹下天台道士盛希年葬之城西五里其詞曰人生

穹壤間忠孝貴克全嗟予事君父自省多過愆有志未
及竟奇疾忽見纏肥甘空在案對之不下咽意者造化
神有命歸九泉嘗念夷與齊餓死首陽巔周粟豈不佳
所見良獨偏高蹤渺難繼偶爾無足傳千秋史官筆愼
勿稱希賢又題其案曰生既已矣未有補於當時死亦
徒然庶無慚於後世燕王稱帝陳瑛簿錄其家妻金氏
自經死二女下錦衣獄赴井死明史本傳正統間少師楊士
奇題其墓曰嗚呼翰林修撰王原采之墓復爲文祭之
曰先生之學聖賢是師先生之行綱常是持先生之心

廣德州志

卷二十八

宦績

六

金石其貞先生之德霜雪其明又曰先生學醇行正子
道臣道終其身無一毫之苟論者謂真不愧其言云成
化中知州周瑛立石記其墓嘉靖初判官鄒守益建懷

忠祠祀之

詳相卿革
朝志本傳

今上乾隆四十一年王叔英

賜諡忠節編入

欽定勝朝殉節諸臣錄第十二卷建文時殉節通諡諸臣

中

附

盛希年浙江台州人祠山道士也叔英募兵廣德及北師渡江郡人驚遁叔英知事不可爲將死遺書希年曰葬我祠山之麓希年卒收葬之

華朝志王叔英傳

案希年有祠山廣惠王埋藏記石刻現存作於洪熙元年時爲昭德宮住持上溯修撰之死已二十有四年矣然則山麓一坏當少師未表之前其春秋之陳麥飯而悲宿草者實惟故人是賴卽今祠宇重新行人瞻仰非皆希年之力與更有說焉時黨禁嚴切凡爲建文死者不得收葬宣城陳迪就刑後僕侯來保私瘞

廣德州志

卷二十八

宦績

七

之事發里人並遣戍是希年此舉固有獨爲其難者康熙八年州判蔡之芳謂其冒險歛葬不讓九曲叢祠而翊忠廢隗順之席羽衣闕匏庵之賦將使原采抱鬱因詩以弔之末有云堪同赤壁黃冠客莫注吟簫楊世昌昔與東坡同遊赤壁者爲縣竹道士楊世昌賦但言客吳匏庵詩則云有客吹簫楊世昌數行石刻我曾藏蓋謂希年名字未有能表顯者故以匏庵自況也今特附傳於此俾與修撰並傳不朽云

齊泰溧水人初名德洪武十七年舉應天鄉試第一明年

成進士歷禮兵二部主事太祖賜名泰建文卽位任兵部尙書燕王舉兵反泰定議伐燕迨燕兵日逼京師不守泰走外部謀興復時購泰急泰墨白馬走行稍遠汗出墨脫或曰此齊尙書馬也遂被執赴京同黃子澄方孝孺不屈死明史本傳建文帝遜去泰追之不及奔廣德州與王叔英合謀募兵文皇卽位捕泰責問執辭不屈族誅革朝志

今上乾隆四十一年齊泰

賜諡忠敬編入

廣德州志

卷二十八

宦績

八

欽定勝朝殉節諸臣錄第十二卷建文時殉節專諡諸臣中

林英福建古田縣人建文時御史亦在廣德募兵知事無

濟再拜自經妻宋氏下獄亦自經死

明史王叔英傳

英字章叔

號劍溪洪武間以歲貢授山東道監察御史忠清公直屢建讜言稱旨召見奉天殿賜殿馬楮幣建文初請抑宗藩以劾奏李景隆下都察院考訊謫知瑞安燕師起召英復職與修撰王叔英募兵廣德比勢不可爲歎曰臣生無補於時死有負於國天命將移力難以挽遂自

經死永樂初取死難諸臣家屬英妻宋氏繫獄亦自經
死世稱雙節王偁銘其墓崇禎間諡毅節古田縣志

今上乾隆四十一年林英

賜諡節愍編入

欽定勝朝殉節諸臣錄第十二卷建文時殉節通諡諸臣

中

案齊王林三公同在廣德募兵惟齊被執至京死王
林則俱守死於此乃王則有墓有祠且祀之三忠祠
祀之四先生祠而林獨不之及古田志所稱王偁銘

廣德州志

卷二十八

宦績

九

墓檢全志無其文但云墓在縣南關外祠在城北而

徐燂題祠詩有云曾將繡斧班金闕但請衣冠葬玉

田又楊德周詩云痛哭寢園何處是瓣香誰為薦椒

觴則知古田為衣冠塚其遺骸尚在廣德明矣楊德周寧

波人崇禎六年令古田縣志即其所輯乾隆辛未令辛竟可重修德周又有祭鄉賢

林先生文畧云黨禁嚴迫時諸臣片楮寸札悉付水

火禁解後始稍稍言之漫沒已不勝紀金川門之失

守也御史給舍縋城死者四十餘人北平省屬棄官

去者二百十九人皆無可考以故革除遺事革除備

遺錄忠義流芳闡幽錄精忠就義類編忠賢奇禍錄
及近日屠叔方朝野彙編郁襄遺忠錄周鑑遜國忠
紀俱未載先生姓氏人亦鮮知先生者神廟甲申間
俞行者請諡請祠請修治塚墓恤錄子孫而澤宮一
席迄今闕焉因請於當事祀之然則古田祠墓亦至
明季始有也恭遇

聖朝褒忠錄善不遺幽隱旣登諸

敕修明史近復美諡

寵加所以慰貞魂而昭臣節者至矣茲特備錄史文參考

廣德州志

卷二十八

宦績

十

志乘與王齊鼎立燦若三光而向之并祀岳練爲三
忠者今宜別祀岳而于忠敬忠節節愍之祠并祀練
忠肅耐盛希年庶于名實爲稱更爲周咨博訪誠得
其墓而表封之則幸甚矣

劉溥字惠民濟南新城人由進士拜監察御史正德元年
江南大旱數千里餓莩相望廣德建平尤甚溥奉命巡
行是方雖居風憲一以愛人爲本于是究行荒政罄官
帑廩及貸民粟賑濟又煮粥以餉隣郡流民見擲棄小
兒募民收養之未幾疫又大作民有盡室死者遺骸滿

路溥命有司出官帑市藥分遣醫治之全活不可勝計
明年秋淫雨積旬田盡淹溥奏蠲田租之半去日民皆
至叢塚泣曰我民罹此荒疫使無劉公其皆入此乎更
生之德不可忘也郡人姜洪爲作活民碑記

見縣志

封爵

封邑有虛實之分虛封祇採嘉名實封卽爲食邑漢世侯王得臣其所食吏民三國以來虛封居多矣至婦人告身實食尤少然要取其所居相近之邑封之舊志有此一目而多訛畧梅華高及裴氏以下八人皆逸今備錄之亦可見廣德之舊爲名都也

漢

劉雲客中山憲王孫成帝鴻嘉二年立爲廣德王

漢書帝紀下同

劉倫廣川惠王孫元帝元始二年立爲廣德王

廣德州志

卷二十八

封爵

十三

案萬歷諸志封爵首劉雲客廣漢倫三王蓋因廣德字牽合之不知此廣德爲丹陽之黟縣孫權分屬新

都郡

見冥志

而今之廣德當時自名故鄣沿革論之詳

矣以其傳訛旣久削之似非闕疑之旨但其事具見

正史而志改云雲客封廣德彝王又連及廣平之封

則誤之誤矣考漢書景十三王傳諸侯王表載景帝

子中山靖王勝傳哀王昌康王昆侈頃王輔憲王福

懷王修五王懷王無子絕四十五歲成帝鴻嘉二年

復立憲王弟孫利鄉侯子雲客是爲廣德夷王三年

薨無子絕十四歲哀帝復立雲客弟廣漢為廣平王
薨無後平帝元始二年復立廣川惠王曾孫倫漢表作瑜
為廣德王奉靖王後王莽時絕然則雲客其名廣德
其國夷其諡王其爵也今日封廣德夷王可乎廣川
廣平皆與此無涉何以知廣平之即為廣德而連及
乎茲姑據史存之為附會者分過焉

吳

徐琨吳郡富春人吳主權徐夫人之父漢末以偏將軍隨
孫策破張英擊走笮融策表現行丹陽太守後以督軍

廣德州志

卷二十八

封爵

三

中郎將領兵從破廬江太守李術封廣德侯遷平虜將
軍後從討黃祖中流矢卒吳志妃嬪傳下同

徐矯琨之子嗣父侯討平山越拜偏將軍

徐祚矯之弟矯無子祚襲封亦以戰功至蕪湖督平魏將

軍案萬曆諸志止載徐琨而遺襲封二人今補之

梁

徐度字孝節安陸人侯景之亂統兵從高祖每戰有功景

平封廣德縣侯邑五百戶累官車騎將軍諡忠肅陳書本傳

案以上諸人舊志甚畧今皆據史補之

章景明吳興烏程人本姓鈕為章氏所養因改為梁代官
至散騎侍郎生女要兒為高祖后永定九年追贈特進
金紫光祿大夫后母蘇安吉縣君明年又追封廣德縣
侯邑五百戶諡曰溫

陳書皇
后傳

唐

李安遠夏州人襲封陽城公太宗為秦王時數從征討立
勛累封至廣德郡公

萬歷
志

案萬歷諸志此下有五代朱全昱宣武節度使守中

廣德州志

卷二十八

封爵

十四

書令封廣德郡王考五代史梁太祖紀開平元年五
月乙酉封兄全昱為廣王又家人傳太祖兄廣王全
昱太祖即位封嶺南西道節度使以太師致仕子衛
王友諒太祖中和三年拜宣武軍節度使嗣為廣王
宣武軍本宋州乾化元年升史文甚明今乃以廣王
為廣德郡王又謂全昱為宣武節度使謬甚急刪之

宋

梅應發廣德人進士歷官直寶章閣爵廣德男

明一統志
互詳人物

案李志於宋載趙子初太祖裔元豐三年封廣陽王

趙希游寶祐年封廣陽王考宋史宗室表子初希游
俱不言有廣陽之封未敢據以爲定今分附職官忠
烈門而此削之

明

華高和州舍山人以巢湖舟師從征累官平章政事洪武

初封廣德侯後命往巡海南卒於瓊州上憫其無子詔

納鐵券於墓中追封巢國公諡武壯南畿志互詳宦績

高士文永樂六年戰沒交趾追封建平伯祿千三百石世

襲是年子福襲三十二年卒洪熙元年福長子遠襲正

廣德州志

卷二十八

封爵

十五

統十四年領前府成化十三年召還宏治元年卒二年

次子進襲六年卒七年遠子霽襲十一年領五軍營管

操嘉靖初卒無子除明史功臣世表

案明初別無建平當卽是州屬邑惜士文原貫無考

然視通志之後漢銚統則較近矣

晉

成恭杜皇后母裴氏名穆本河東人太傅主簿遐女遐隨

東海王越遇害穆渡江適京兆杜又鎮南將軍豫之孫

襲封當陽侯爲丹陽丞生后而又終穆發居養后甚有

德音成帝咸康初封裴高安鄉君食五百戶孝成帝寧

康二年進廣德縣君裴壽考百姓號曰杜姥晉書后妃傳外戚傳

互詳列女

宋

武帝女廣德三公主符修儀所生宋書禮志

陳附

世祖沈皇后母高氏適武康沈君理仕梁錄事參軍世祖

卽付追贈高綏安縣君諡曰定陳書皇后傳

唐

廣德州志 卷二十八 封爵 十六

宣宗女廣德公主下嫁于琮從琮貶韶州侍者纔數人却

州縣饋遺內外冠婚喪祭主皆身答勞疏戚咸得其心

爲世聞婦琮爲黃巢所害主泣曰今日誰不獨存宜殺

我巢不許乃縊室中新唐書本傳

南唐

徐主義祖溫長女烈祖妹也初封杞國君昇元元年封廣

德長公主主義祖以妻李建勳烈祖受禪建勳與其謀拜

中書侍郎同平章事加左僕射輔政既久烈祖忌之會

被劾放還主剛果有智入謂烈祖曰吾父無恙時兄亦

嘗求見爲李郎書今何見負烈祖曰此是國事吾與李郎骨肉之情固無間也遂以司空致仕賜號鍾山公主亦自號鍾山老姥

馬令陸游兩南唐書

案此廣德封號馬書女憲傳但云徐主妻李建勳烈祖時爲郡公主建勳致政後常自稱鍾山老姥而不稱所封郡國李建勳傳亦但云溫妻以女獨於王崇文傳云尙烈祖妹廣德公主似廣德主下嫁崇文矣陸書烈祖紀昇元元年十月丙申封女弟杞國君爲廣德長公主建勳傳溫妻以女所謂廣德公主也其

廣德州志

卷二十八

封爵

七

文甚明至王崇文傳則又云以門第選尙廣德公主似有兩廣德主矣周亮工注又引昭陽李氏以爲此必誤也蓋陸仍馬說未及檢耳通鑑十國春秋皆定爲李建勳尙是也

